

Bosna i Hercegovina  
Federacija Bosne i Hercegovine  
Srednjobosanski kanton/Kanton Središnja Bosna

**Ministarstvo prostornog uređenja, građenja, zaštite okoliša,  
povratka i stambenih poslova**

Na temelju Odluke o usvajanju programa utroška sredstava s kriterijima raspodjele sredstava „Kapitalnih transfera drugim nivoima vlasti i fondovima - poticaji povratku prognanih, obnovi i razvoju“ za 2025 godinu broj 01-11.7-2870/2025 od 13.03.2025. godine, s ciljem kvalitetne i transparentne provedbe projekata poticaji povratka prognanih, obnovi i razvoju u 2025. godini Ministarstvo prostornog uređenja, građenja, zaštite okoliša, povratka i stambenih poslova objavljuje :

**JAVNI POZIV**

**za podnošenje prijava za projekte Kapitalni transferi javnim preduzećima -  
poticaj povratku prognanih, obnovi i razvoju  
u 2025. godini**

**– Izgradnje lokalne infrastrukture na prostoru SBK/KSB**

**I.**

Predmet javnog poziva je prikupljanje prijava za dodjelu sredstava iz budžetskih sredstava za 2025. godinu.

Sredstva za provedbu ovog Programa utvrđena su budžetom Ministarstva prostornog uređenja, građenja, zaštite okoliša, povratka i stambenih poslova, razdjel 18, glava 01, budžetski korisnik 0001, izvor financiranja 10, ekonomski kod 615 400 – Kapitalni transferi javnim preduzećima - poticaj povratku prognanih, obnovi i razvoju u ukupnom raspoloživom iznosu od 100.000,00 KM.

Sredstva se dodjeljuju korisnicima sredstava za projekte kao nepovratna sredstva putem javnog poziva, a najmanje 40% sredstava dodjeljuje se na zahtjev korisnika sredstava kao interventna sredstva.

**II.**

**Izgradnje lokalne infrastrukture**

(lokalnih puteva, javne rasvjete i sličnih infrastrukturnih projekata) kao poticaj održivog razvoja.

- a) Projekte koji su od značaja za područje općine na kojoj se nalaze i obuhvaćaju projekte sanacije i izgradnje putne komunikacije i javne rasvjete.
- b) Projekte i slične aktivnosti koje se odnose na izradu elaborata i projektne dokumentacije, a odnose se na putnu komunikaciju i javnu rasvjetu.
- c) Projekti zaštite izgrađene infrastrukture u smislu izgradnje zaštitnih zidova uslijed ugroženosti od elementarnih nepogoda.
- d) Projekti iz oblasti lokalnih putova i javne rasvjete koji su dijelom završeni te je zbog nedostatka sredstava njihova realizacija zaustavljena ili postoji mogućnost da neće biti završeni.

**Pravo sudjelovanja ostvaruju:** Javna poduzeća, prijavom na javni poziv

**Očekivani učinci:** Poboļšani uvjeti života unutar lokalne zajednice.

**Nemaju pravo na podnošenje projekata i učešće na javnom pozivu:**

Javna preduzeća koja nisu dostavila izvještaj o implementaciji programa po ranije dobivenim poticajnim sredstvima i kojima od strane Ministarstva nije prihvaćen izvještaj.

**Kriterij za izbor projekata:** raspodjela sredstava vršit će se za programe i projekte u skladu sa općim, ostalim i posebnim kriterijima.

### III.

#### Potrebna dokumentacija

Opći kriteriji:

- a) Čisto popunjen potpisan i/ ili ovjeren obrazac prijave koji se objavljuje uz javni poziv, a koji će biti dostupan u Ministarstvu prostornog uređenja, građenja, zaštite okoliša, povratka i stambenih poslova u Travniku, u općinskim službama ili na web stranici Vlade KSB/SBK
- b) Ovjeren predmjer ili predračun radova, odnosno specifikacija materijala i/ili opreme i sl.

Prijave koje ispunjavaju opće kriterije mogu se dalje bodovati prema odgovarajućim ostalim kriterijima.

Ostali kriteriji:

- a) Udio vlastitih sredstava u iznosu od najmanje 20% od ukupne vrijednosti projekta – izjava o sufinansiranju 30 bodova
- b) Nastavak već započetih projekata, - izjava o nastavku projekta 20 bodova
- c) Održivost lokalnog razvoja 20 bodova
- d) Izvještavanje o realizaciji ranije finansiranih projekata 30 bodova
- e) Dokaz o registraciji aplikanta kod nadležnog suda – kao dokaz dostavlja se aktualni izvod iz sudskog registra – original ili ovjerena kopija
- f) Uvjerenje o poreznoj registraciji, odnosno ID broj – ovjerena kopija ili original
- g) Uvjerenje o izmirenih obavezama po osnovu javnih prihoda ( ne starije od 3 mjeseca) ili sporazum o reprogramiranom, odnosno odgođenom plaćanju obaveza aplikanta po osnovu javnih prihoda

Da bi prijava bila prihvatljiva, treba biti ocijenjena sa minimalno 50 bodova, a maksimalan broj bodova koji može biti dodijeljen od strane komisije za ocjenu prijava po Javnom pozivu iznosi 90 bodova.

Uslovi koje treba ispuniti da bi određeni projekat bio prihvatljiv su:

- a) Prijava je zadovoljila formalno - pravne uvjete učešća tj. opće kriterije
- b) Prijava je zadovoljila minimalne ostale kriterije po javnom pozivu i ocijenjena sa minimalno 50 bodova

### IV.

#### Interventna sredstva

Ministarstva prostornog uređenja, građenja, zaštite okoliša, povratka i stambenih poslova će interventna sredstva dodjeljivati do 31. 12. 2025. godine odnosno do utroška raspoloživih sredstava, a na osnovu pristiglih zahtjeva koji ispunjavaju potrebne uvjete.

Sredstva će se dodjeljivati u skladu s općim i ostalim kriterijima utvrđenim u Odluci o usvajanju programa utroška sredstava s kriterijima raspodjele sredstava kapitalnih transfera.

Opći kriteriji:

- a) Čisto popunjen potpisan i/ ili ovjeren obrazac zahtjeva za interventna sredstva koji se objavljuje uz javni poziv, a koji će biti dostupan u Ministarstvu prostornog uređenja, građenja, zaštite okoliša, povratka i stambenih poslova u Travniku, u općinskim službama ili na web stranici Vlade KSB/SBK
- b) Ovjeren predmjer ili predračun radova, odnosno specifikacija materijala i/ili opreme i sl.

Posebni kriterij:

- a) Udio vlastitih sredstava u iznosu od najmanje 20% od ukupne vrijednosti projekta 30 bodova
- b) Elementarna nepogoda – zapisnik Civilne zaštite, opštinske službe, mjesne zajednice... 30 bodova
- c) Nepredviđeni i hitni projekti iz oblasti infrastrukture – izjava opštine 30 bodova

Da bi prijava bila prihvatljiva, treba biti ocijenjena sa minimalno 50 bodova, a maksimalan broj bodova koji može biti dodijeljen od strane komisije za ocjenu prijava po Javnom pozivu iznosi 90 bodova.

Uslovi koje treba ispuniti da bi određeni projekat bio prihvatljiv su:

- a) Prijava je zadovoljila formalno - pravne uvjete učesća tj. opće kriterije
- b) Prijava je zadovoljila minimalne ostale kriterije po javnom pozivu i ocijenjena sa minimalno 50 bodova

## V.

Minimalan iznos bespovratnih sredstava po ovoj stavci programa je 20% od ukupne investicije, a maksimalan iznos sredstava koji se može odobriti je 100% od investicije

## VI.

Komisija za pregled i bodovanje će razmotriti pristigle prijave po objavljenom Javnom pozivu i ocijeniti ispunjenost općih kriterija za bodovanje istih prema ostalim kriterijima i sačiniti popis svih dostavljenih i prihvatljivih prijava s obrazloženjem i mišljenjem.

Komisija donosi Kriterije za rad Komisije za utvrđivanje prijedloga liste uspješnih projekata za su/finansiranje iz sredstava Ministarstva za 2025 godinu, kojima se detaljno razrađuju kriteriji, a koji služi za utvrđivanje prijedloga liste uspješnih projekata.

Komisija za stručni odabir podnosi izvještaj o svom radu ministru s prijedlogom odluke o dodjeli sredstava na bazi Javnog poziva za dodjelu sredstava za realizaciju programa, projekata i sličnih aktivnosti iz oblasti poticaj povratku prognanika, obnovi i razvitku za 2025. godinu.

Posebni kriteriji na osnovu kojih Vlada KSB na prijedlog ministra donosi Odluku o raspodjeli i izdvajanju sredstava sa sačinjenog popisa prihvatljivih prijava komisije za stručnu ocjenu, a koje zadovoljavaju opće i ostale kriterije su slijedeći:

- a) Razvojni kriterij (projekt je od značaja za Kanton/općinu/grad, održivost i razvoj zajednice) - preporuka/izjava opštine o usklađenosti sa važećim strateškim dokumentom 5 bodova
- b) Disperzna raspodjela sredstava po općinama (u skladu sa veličinom, potrebama općine i broju podnesenih zahtjeva) 5 bodova

## VII.

(Obavještenje i prigovor)

Aplikanti koji ne ispunjavaju formalno - pravne uslove, zatim aplikanti čiji su projektni prijedlozi manje od 50 bodova i ne nalaze na predloženoj listi uspješnih projekata za su/finansiranje iz namjenskih sredstava, mogu podnijeti prigovor Ministarstvu u roku od tri dana od dana objave konačne liste.

O prigovoru odlučuje ministar.

Odluka o prigovoru je konačna.

## VIII.

Nadzor i kontrolu namjenskog korištenja sredstava od strane korisnika sredstava vršit će Komisija za nadzor koju imenuje ministar Ministarstva prostornog uređenja, građenja, zaštite okoliša, povratka i stambenih poslova, koja broji tri člana.

Kontrola će se vršiti na osnovu dostavljenih izvještaja korisnika, a po potrebi i neposredno kod korisnika sredstava.

## IX.

Nakon objave preliminarne liste na stranici Vlade SBK i donošenja odluke Vlade Kantona o izdvajanju sredstava namjenskih sredstava sa korisnicima sredstava zaključit će se ugovor kojim će se urediti uslovi i način korištenja dodjeljenih sredstava, način praćenja namjenskog korištenja dodjeljenih sredstava, dokumentacija koju je korisnik sredstava obavezan dostaviti Ministarstvu, rok važenja ugovora.

## X.

Prijavni obrasci, izjave kao i tekst ovog javnog poziva mogu se preuzeti na web stranici Srednjobosanskog kantona: [www.sbk-ksb.gov.ba](http://www.sbk-ksb.gov.ba).

Elektronski ili čisto ručno popunjen, potpisan i ovjeren prijavni obrazac kao i izjave moraju biti potpisan i pečatirane od strane podnosioca zahtjeva.

## XI.

Način dostavljanje prijava po Javnom pozivu.

Dostavljanje prijava projekata se vrši u zatvorenoj koverti poštom ili osobno na protokol

**SBK/KSB**  
**Ministarstvo prostornog uređenja, građenja, zaštite okoliša,**  
**povratka i stambenih poslova**  
**Stanična 43, 72270 Travnik**  
**"Prijava na Javni poziv - odjel obnove i povratka"**  
**Poziv na broj 07-11.1-2990/25**  
**Ne otvarati**

Javni poziv je otvoren 30 dana od dana objave na web stranici Vlade SBK/KSB, a zahtjevi za interventna sredstva je otvoren do kraja 2025 godine odnosno do utroška sredstava.

Javni oglas će biti objavljen na oglasnim pločama kantona, općina SBK/KSB i web stranici Vlade SBK/KSB ( [www.sbk-ksb.gov.ba](http://www.sbk-ksb.gov.ba))

Nepotpune prijave neće se uzeti u razmatranje.

Dodatne informacije mogu se dobiti na telefon: (030) 511 159.

**Broj:** 07-11-1-2990/25  
**Travnik, 26.03.2025. god.**



**MINISTAR**  
Amir Sečibović, prof.